

# Wie eyn walobrunder mess hielt

vnd etlich wyb vnd man in der kylchen woren geschwetz vnd  
gelech:er tryben die all vnsynnig wurden!



Der will ich uch sagen eyn ander exempel / vō denen so in  
der kylchen geschwetz vnd klappery tryben / wann sy mess  
oder das heilig ampt hören solten / Es was vff eyn zyt eyn  
waldbrüder gar eyns heiligen lebens / Der hatt by synem  
brüder huße eyn capelle / dar inn sant Johannis gnedig vñ  
patron was / Begab sich eyns tags das etlich herrn frowen  
vnd junckfrowen vom lande ein kylchen fart da hyn tzeren /  
vmb ablaß des kylchlyß vnd ouch vmb heylkeit willen des brüders / der  
vff den selben tag dz ampt hatt / Als sich nun der nach dem ewangelio vmb  
keren / Ward er die herrn frowen vnd junckfrowen mitt einander hynder  
der messen sehen runen vnd schwetzen / Vnd sach dar mitt wie der böße  
vyend schwarz vnd vngestalt / wañ sy söllich geschwetz vnd gelech:er übtren  
jren reden gar eben vff marckte / Vñ vō einer achseln zū der andern sprang /  
gleich wie die kleyne vōgelin von eynem ast vff den andern spryngen / Sess  
sich der brüder segnet vnd grösslich v̄wundert / Als er nun kam byß vff dz  
per oia secula seculorū / hort er sy noch lüter vñ mer geschwetz trybē dan vor  
C iij



Schlug er mit der hand vff das buch vñ vermeint sy zū geschweigen/ aber  
 etlich wolten es darumb nit myden/ Sa hatt er got das er sy schwygen ma-  
 che/ vnd inen jr torheit zū erkennen geben wölte/ Also vff dz da fiengen fro-  
 wen vñnd man an die also geschwartz hetten/ vñnd gelacher/ mit kleglicher  
 stymen zū schryen/ wie dann lüt die tūfelhaftig synd/ vñnd lytrent so grossen  
 schmerzen das es ein erbernde was zū hören/ Sa nun die mess geschehen  
 was/ sagt inen der heilig man/ wie er den tūfel vff inen gesehen hette/ vñnd  
 jrs geschwerts vñnd böser geberden wyllen/ so sy hynder der mess gehandelt  
 hetten/ Vnd sagt inen dar by wz grossen schadens daruß keme/ Des glich  
 die gnad vñnd den lon so sy hyn wyder mit irem andacht hynder der messe  
 verdienen möchten/ Sarumb sy sich für das flissen vñnd demütlichen got  
 bytten vñnd lieb haben solten/ Sarnach durch byt vñ anruffung des heilige  
 mans/ komen sy all wyder zū iren synnen/ vñnd aller pyn vñnd schmerzens  
 entladen/ vñnd hüten sich dar nach vor sölllichem/ Sarumb dyß eyn gütt  
 byspel/ ist das nyeman hynder der mess söllich geschwert vñnd gelacher üben  
 sonder ernsthaft vñnd andechtig syn sol/

## Wie der tūfel hynder der mess

die klapperig edlicher frowen vff schreib/ vñnd in das berment zū  
 kurtz wart/ vñnd ers mit den zenen vß eynander zoch/







19

Sist ouch vff rebemelte meynung vff ein zyt sant Martin  
Begenet/ als der mess hielt vnnnd im syn schüler zu altar die-  
ner/ das w3 sant Bryctius der dar nach erzbischoff ward/  
Der selb syn schüler hüb an zu lachen/ des hat sant Mar-  
tin war genomen/ Vnnnd fragt in nach der mess/ warumb  
er gelachet hette/ Sagt er im/ es were darumb gewesen/ dz  
er zwen böse geist gesehen hette/ alles das so mann vnd fro-  
wen hynder der mess geredt/ vff geschriben hetten/ Were dem eynen syn ber-  
ment zu kurtz worden/ Das hette er nun mit synen zenen so hart vß eynan-  
der gezogen/ das im das berment entgangen were/ vnnnd den kopff hynder  
sich an die muren geschlagen hette/ Sa das sant Martin hort/ marckte er  
wol das Bryctius eyn heiliger man was/ Vnd vff dz so bredigt er vnd ver-  
kundte da sölllich matery allent volck/ vnnnd offnet inen/ wie schwer vñ groß-  
lich es gesündet were/ hynder der mess vnnnd dem gotz dienste weltliche ding  
zu reden vnnnd vß zu richten/ Douch gar vil besser were/ ganz vß der kylchenn  
zu belyben/ dan sölllich vnordenlich wesen in der kylchen vß zu richten/ Sar  
by liebe döchtern/ jr aber vnderwysung nemē mögē/ demütig vñ andechtig  
zu syn/ vñ üch d'heins gesprechs/ oder vnnützer redē in der kylche zu gebrauchē  
In anders von eynem Ritter vnd syner frowen/ die von jugent vff  
e geneigt woren morgens lang byß in den tag zu schlaffen/ Das try-  
bent sy nun lang zyt/ vnd versumpten manche mess dar durch/ Dr-  
sachren sich ouch ander lüt in irer pfarr zu versumen/ Sann die selben lüt  
vnnnd ouch der priester mit der mess vff sy warten müsten/ vnnnd sy nit getor-  
sten erzürnen/ Sich vnnnder andern eyns sonntags verfügend/ das sy hat-  
ten geborten jr mit der mess zu beytenn/ Das verzoch sich nun so lang das  
es über mittag ward/ Sprach die lüt zum priester/ die zyt der mess wer  
verschynnen/ vnd müsten also den tag on mess horen blyben/ Das den ar-  
men lüten eyn groß myßfallen was/ doch müsten sy es geduldē/ Also in der  
selben nacht kam dem priester ein gesicht für/ zum andern oder zum drittē  
male/ Das in beducht wie er eynen grossen schar schaffen hüte in eynem feld  
da weder loub noch gras were/ Vnnnd die wölte er nun in ein weyd zu weyd  
tryben/ die nit mer dan eynen jngang hat/ Sa lege in dem selben jngang  
eyn schwarzes schwyn vnnnd eyn moren zwerhes in dem wege/ Vnnnd hette  
das schwin so grosse hornen das er vnd die schaff dar von als forchtsam we-  
ren/ das sy nit vff die weid komen tosten/ Deshalb sy sich wyder vmb ker-  
ten/ vnnnd on essen vnnnd vngeweydet wyder heym giengen/ Vnnnd in dem  
kam im eyn stym die sprach/ bystu vngheorsam vmb der schwarzen eyerern  
wyllen da mit so erwachet er/ Vnnnd glicher wyße wie dem priester erschyn-  
nen was/ beschach dem Ritter vnd der frowen ouch/ Dan so vil mer/ dz er  
das schwyn vnd die frow die möz were/ ouch wie sy gehürnet weren mit hor-  
nern/ vnnnd die schaff nit in die weyd lassen woltenn/ Es komen ouch  
dar nach vil schwarzer jager vff hohen grossen pferden/ mit vil grossen  
schwarzen hunden/ Vnd so bald die zu inen weren komen/ hetten sy die vff  
sy abgehert vnd louffen lassen Welche sy by iren beynen vñ oren er griffen/



So lang byß sy beducht/ das sy mit gewalt byß in den tod erjaget hetten/ Von dem erwachten sy/ vnnnd wozent in mercklichem grossen schrecken/ Söllliche erschnung begegnet inen zu zweyen malen/ Also morgens kam der kylchherr zu dem ritter/ dem erzaltre der ritter vn die frow / jr erschnung von stuck zu stuck/ der glich der kylcher inen hynwyder / Sesselben sy am meisten wvnderten/ dz des priesters erschnung der iren so glich gewesen wz/ Also sprach der priester zu dem Ritter/ Herr es ist vnfer vö hynnan eyn heiliger man in eynē walde/ der weist vns wol zu raten in dysen dingen/ zu dem giengen sy/ vnd offneten im ire gesichten von wort zu wort/ Sie selben in dan der heilig man nach dem vnd er wyße vnd heilig wz/ gar vnder scheidenlich kond vß legen vnd erklaren/ Vnd redt also zu dem ritter/ Herr jr vn iwer frow sind die schwyn gewesen/ die dz loch vnd den jngang vlegt habē/ das die schaff nit vff die weyd komen vnd essen haben mögen/ Das ist also zu mercken/ dz jr ein herr iiber die pfarr syent da jr wohnt/ vnd die vnder tanen der selben kylchen gesumpt vn verhyndert haben meß zu hören/ Durch iwere rüw/ schlaff/ vn trackheit/ so jr gebucht habent/ da mit die armē menschlichen sölllicher weyd entwert worden/ dan die meß eyn weyd vnnnd settigung ist aller menschen/ die hörn die jr dan habent gehept/ dz ist betütung iwer sünden/ die jr begangen haben/ vmb dz jr iwer armen lüt der meß verhyndern/ vnd an iren gütteten sumen vnnnd irren/ das jr ouch durch pynigung des segfürs nit wol bessern noch büßen mögen/ als iuch dan das in iwer gesicht erschnen ist/ wie jr dan durch die bösen geist gepyniget vnd erjagt werden/ Vnnnd ich sag iuch gewysenlich/ das iuch zu hundert malen besser were/ gantz on meß zu syn/ dan das jr die armen dar an irren vnnnd sumen/ vnd dem priester synen andacht benemen/ den er dan durch das lang iwer warten verlieren müß/ So fallen ouch dar durch syne vnnndertanen in schwere todtünden des zornes/ Vnnnd gangen etlich in die winhüßer/ vnd an andre vnzymlich ende/ da sy dan sünd volbringen/ Seren jr dan durch iwer trackheit aller teilhaft synd/ Vnnnd darumb gepyniget vnd in den tod gefangen werden müssen/ das ist die ewige verdammung/ Sar ab der Ritter vnnnd die frow gar sere erschrocken/ Vnnnd fragten den heiligen man wie sy den dingen thun solten/ Sa sagt er inen das sy dry sonntag nach einander sich zu den armen lüten fügen/ vnnnd vmb jr begangen myßetatt vnnnd übel verzyhung an sy Begeren solten/ Vnnnd inen sagen/ das sy dannanthyn die ersten by der meß syn wolten/ Saruff sy ouch dem heiligen man jr bycht raten/ der gab inē zu büß dz sy sich selbst in den dingen straffe vn jr lebē bessern soltē/ des der ritter vn die frow got dē almēchtige lob vn danck sagte/ das er sy also durch die erschnung ermanet vn bekantnyß gebē hatt/ vn ich sag iuch dz sy darnach all zyt by den erste in der kylchen wozen/ vn gar eyn erber götlich leben fürte/ des gleichen sagt ouch der heilig man dem priester syn erschnung/ vnnnd das man got den herrn mer forchten sol dann die welt/ Sarumb so ist dys eyn güet byspel/ dz jr ander lüt durch iwer trackheit nit vmb die meß oder vmb andre güte werck bryngen/ oder versumen / Sonder sy vnnnd iuch selbst so ferr vnnnd iuch möglichken ist/ dar zu schicken vnd fürdern/